

## 07 足勢毋通吼

王秀容

考試是緊張閻刺激的代誌，因仔若無夠認真，做父母的驚伊綴人袂著就緊張甲欲死，毋過因仔若共分數看甲傷認真，嘛是傷腦筋。

阮這班有一个英語足讚的查埔因仔。頂擺期中考恰我約束講伊若考一百，敢會當領雙倍的獎品。我的獎品是買個愛食的糖仔餅仔，著九十分以上恰進步超過五分的人攏領會著，歡喜就好、袂驚英語就好。看因仔有彼號心，我當然隨應好。結果伊真正考一百分，我嘛講話算話，獎品雙倍閣共呵咁。

我會訓練因仔考試嘛是愛拚速度，緊閻正確才會有自信閻積極。小考用加分的，無攢獎品。伊就恰我參詳，十分鐘內共一張考卷寫了，若一百分，叫我共加分，我當然嘛應好。毋過，我理解人難免會失覺察，無細膩，一百分就無緣再會囉！內行的攏嘛知，差一兩分仔是袂影響一個人的實力。雖然伊欲著滿分是桌頂拈柑，我猶是予伊有伸勾，講：「九十五分就有準算。」

佇我的心內伊早就是兩百分矣。真正十分鐘猶未到，伊就共五十條題目寫了，我講時間閻冗剩，閻檢查一下，等咧做伙改就好。其實是想欲予伊有檢查的機會，想袂到

伊過頭自信，拜託我先共改。結果，毋著兩條無要緊的所在，好佳哉有九十六分，閻會當加分。想袂到伊坐轉去位裡，煞目箍開始紅、目屎津落來。伊平常時攏笑 bi-bi 呢！看範勢是予家己的壓力傷大，我緊倚過去共惜惜咧，閻搭胸坎掛保證共講：「你是我教過，寫上緊，英語上讚的人。」閻補一句：「考九十六足勢毋通吼。」邊仔的人嘛鬥講：「著啊，阮嘛會當十分鐘寫了，毋過絕對著無十分。」

十分鐘傷逼？考無一百分？逐家的安慰足貼心？伊的目屎竟然親像水道頭援無縫繼續流。我緊共手搭佇伊的肩胛頭，伊就小可仔歹勢笑矣，閻共我說多謝。遮感心、遮愛英語，我一定會雙倍認真教英語，祝福伊！